

「國家社會科學基金重大項目」

何建明

主編

中國地方志
佛道教文獻匯纂

寺觀卷

(104)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（104）



國家圖書館出版社

中國地方志佛道教文獻匯纂·寺觀卷
江蘇省 蘇州市

虞鄉志略

清·鄧琳纂修

清道光二十年（一八四〇）纂抄本

溪鄉志卷四

寺院

常熟鄧琳逸亭氏編輯

吉祥庵在梅李鎮王巷吳赤烏中建今廢

縣志

琳按後漢書載漢明帝夢金人長丈餘身有日光飛空而至以問羣臣通事舍人傅毅對曰臣聞西域有神其名曰佛丈六金身帝乃遣蔡愔等往天竺取佛經四十二章及沙門攝摩騰竺法蘭以來帝令藏經蘭臺石室起白馬寺於雍門外以處攝摩騰等此佛寺之所由昉也緣以白馬馱佛經來初止於鴻臚寺

故稱供佛居僧之屋曰寺而名為白馬自此以後中國漸多佛
寺以錢志云吉祥庵吳赤烏建中琳考赤烏為三國時吳大帝
年號距漢明帝起白馬寺時不過一百八十餘年是吾邑佛寺
之最古者故列於諸寺之首

破山興福寺在虞山北嶺齊始興五年邑人柳州刺史倪德光捨
宅為大慈寺至梁大同三年改名破山興福寺以寺臨破龍澗故
名破山相傳白龍與黑龍鬪於此山裂而成澗也堂柱有神書門
外二老松如虬龍屈蟠庭植瓔珞樹池產千葉白蓮寺有唐時賜
鐘皆見有時有通幽軒空心潭潭有亭取唐常建詩句以名也有救虎

閣後五代時高僧彥偁為虎拔箭於此有宗教院宋雍熙中高僧
晤恩修天台教於此其蹟皆廢獨石梁外尊勝石幢猶存左幢刻
平原陸扈書右幢刻京兆全貞書唐大中中建宋建炎三年已酉
八月二十三日重建字清勁有法妙蹟也有四高僧寺謂唐懷述
常達五代彥偁宋晤恩四僧相傳懷述為降龍彥偁為伏虎常達
為朝陽縫破衲晤恩為對月了殘經也明嘉靖間遭倭寇兵火寺
屋燬廢寺址多為豪右侵占邑令馮汝弼特與鬪除寺基種一石
四斗一升萬歷間僧無着重修法堂門廡邑紳錢謙益重修大殿
錢時俊再建四高僧祠唐常少府建破山寺詩云清晨入古寺初

日煦高林曲徑通
 幽處禪房花木深
 山光悅鳥性潭影空人心
 萬籟山都寂但餘鐘磬音
 宋高菊磎詩云古縣滄浪外
 精藍綠渺間木枯曾閱世
 龍老解分山鳥道秋達迹
 禪房畫掩關詩成遊子去
 流水自潺潺陳簡齋興義詩云
 不到龍門十載強斷崖依舊掛
 斜陽金銀佛地淨佳氣花木禪
 房接上方羸馬暫來還竟去流
 鶯多處最難忘老僧不作留人
 意看水看山白髮長明楊五川儀詩
 云為愛禪林好時來坐夕曛
 坐禽喧敗屋古木墜寒雲細讀
 道遠論清談怪石文步兵長嘯
 罷鼓吹半山聞錢海山籍詩云
 古寺登臨罷肩輿下翠微
 山僧攜鉢上樵子負新歸
 暝崖喧凋葉寒鴉度

夕暉獨憐遊客興猶逐野雲飛魏叔子燈詩云山秋惟落葉寺僻
少人行風梵鐘俱遠苔碑草共平千林紅日墮一徑白雲生却恨
僧多事松門鮮送迎錢東澗題破山四高僧圖云伏虎降龍
我未能縫衣不學小乘僧禪房正對空潭月消得西齋一卷經嘉
定黃忠節公傳耀九日登真山過雨宿興福禪寺詩云每到林巒
覺眼明登高況足客中情山當木落先疑雨院有僧期不願晴歌
枕靜聽鐘鼓報推窗遙指澗泉生可憐一夜清無寐心在前峯夢
未成又云潭影悠悠日夜空一宵雷雨氣鴻濛吸茶共說無生話
禮足還瞻蓋世雄僧出戴杜
老人家烏帽白衣真往事黃花翠竹想遺風

出門獨向秋山笑，身在曹溪一滴中。
本朝邑人孫雪崖

永祥

偈

錢湘靈顧孝維飯破山寺雨止歸浣溪詩云啼鶯深樹寺門開
收拾餘春踏徑苔花南流紅隨水去松雲帶黑過山來
紫茸綠筍山僧飯斗酒雙柑野客杯欲盡同遊今日興東臯南浦
盪舟迎錢蓮王
官秋夜宿破山寺詩云禪房花木蕩窮塵白髮觀河喻往因
省得浮生誤幻泡山光潭影即前身又云劫盡灰飛變幻空陶輪
世界任颼風寂光定處長無恙只在如來右手巾又云空堂印大
相然明山鬼窓前踏月行十笏室中無語坐松風吹落木魚聲又
云長廊盡處虎曾過深歎年光一擲梭閒倚殿南瓔珞樹額乾有

約笑難陀 縣志參攷增

琳按正字通云世傳漢明帝永平七年佛法始入中國非也秦時沙門室利房等至始皇以為異囚之夜有金人破戶以出漢武帝時霍去病過焉支山得休屠王祭天金人以歸帝置之甘泉宮金人者浮屠所祠今佛像即其遺法也哀帝時博士弟子秦景使伊存口授浮屠經中土木之信迨明帝夢金人飛行殿庭傳毅以佛對乃遣中郎蔡愔及秦景使天竺求之得佛經四十二章譯迦立像并與沙門攝摩騰竺法蘭東還以是考之秦西漢知有佛久矣非明帝始也王厚齋困學紀聞云列子言西

方之人有聖者又言周穆王時西極之國有化人來佛已聞於中國矣據此則中國知有佛教實昉自姬周時也至考佛之名氏年代爵里按遼史禮志云二月八日為悉達太子生辰悉達太子者西域淨梵王子姓瞿曇氏名釋迦牟尼以其覺性稱之曰佛王簡棲頭陀寺碑云周魯二莊親昭夜景之鑒註謂周莊王九年即魯莊公七年夏四月辛卯夜明佛生之日也唐六典註亦云烏貴與文獻通考則謂釋迦牟尼佛以周昭王二十四年甲寅四月八日生於西天竺國十九學道三十學成處世演道者四十九耳而終釋迦者華言能仁也此說佛生年月與前

二說互異按因學紀聞載張文潛曰嘗讀宣律師傳有一天人說周穆王時佛至中國與列子所載西極化人之事畧同考穆王為昭王子傳十世始至莊王則佛生之時是昭王而非莊王矣又考周正四月實夏正二月三說似異而實同世以夏正四月八日為佛生日者謬也又佛像必三尊者釋典所謂如來有三身一為法身一為應身一為報身也文獻通考又云釋迦殁後大弟子迦葉與阿難摹擬其平生之言成書漢明帝遣蔡愔秦景求得四十二章經後至梁武帝華林之集入中國者五百卷曰經曰論曰律謂之三藏其徒講說之通謂之律學殿

上

後達摩西來以三藏皆筌蹄不得佛意故直指人心俾之見性
最尊之為祖學之者布天下由是禪學興焉晁公武讀書記云
禪學自達摩入中原世傳一人及五傳至慧能通謂之祖慧能
傳行思懷讓行思之後有良价號洞下宗又有文偃號雲門宗
又有文益號法眼宗懷讓之後有靈祐慧寂號為仰宗又有義
玄號臨濟宗五宗學徒編於海內觀此數條可略識乾竺氏之
源流矣若吾邑破山寺四高僧者懷舊志云一為懷述字體如
吳人遭唐武宗汰除沙門宣宗大中間仍復僧衣相傳懷述在
寺說法常有白髻老人每旦必先至一日懷述問為誰老人曰

我山中白龍也懷述願見其形老人曰我見形頓念摩訶經號
助我之威懷述誦揭諦神咒神以杵擊龍龍衝山而去所謂降
龍是也宋劉拯咏體如塔詩云妙理悟三伊巍巍抗高節十尺
石下松蕭然獨凌雪珠影雖青黃月光豈圓闕危石揚寒泉至
今伴清絕一為常達號文舉邑顧氏子講南山律鈔通老莊百
家善書居破山寺唐僖宗咸通十五年聚眾告別合掌而逝世
稱朝陽峰破衲者也宋劉拯咏文舉塔詩云園首探雙林危言
發南華萬里歸一空誰云正非邪門影搖青松曾迴貴侯車猶
遺數層塔岌岌凌飛霞一為彥偁邑龔氏子五代時人居破山

寺戒行清苦虎中獵夫箭彥悔為救之年至九十九所謂伏虎
是也宋劉拯咏救虎閣詩云三昧遊深慈結宇依蒼崖猛虎伏
苑閣拔箭非忘骸窮獸雖覆車危在尤投懷况我見已忘而彼
猶其儕一為晤思字修己邑路氏子年十三出家幼學律又習
經論後聞天台三觀六即之說冥符意解建宗教院於破山東
太宗雍熙三年八月二十五日為弟子說止觀指歸及觀心大
義端坐面西而化院僧皆聞空中絲竹嘹唳久漸遠西去焚獲
舍利無算世稱對月了殘經者也宋劉拯咏宗教院詩云妙義
傳天台迷雲淨如掃初終雖五時修短自三草結隱非此拳獲

藏亦珍寶秋米月正圖獨照松已老此四高僧之事蹟也

又按諸佛菩薩多西域人去中國甚遠故可考者絕少世人最
崇信者有釋迦牟尼佛外有觀音文殊普賢地藏四菩薩俗傳
觀音菩薩為西域妙莊王第三女出家修行二月十九日誕辰
六月十九日成道曾現身於浙江甯波府定海縣西南海中補
陀山釋家稱為普大士門又稱南無大慈大悲千手千眼救苦
救難觀世音菩薩道家稱為南洋教主碧落洞天帝君闡通自
在大尊有謂觀音菩薩本係男子因世間婦女不信佛教故現
女人身而說法者文殊普賢二菩薩與觀音菩薩並稱為三大